

立借銀字人林碩連等，今因乏銀費用，託保認人林德榮向與鍾秀季首事江芳英手內借出佛面銀壹佰陸拾大員正。其銀即日立字全中交親收足訖，三面言定每員銀自壬午年冬至起，至癸未年冬至止，議納利粟壹斗正，計共利粟壹拾陸石正，分作早晚二季各對半均納，早季納利粟八石，晚季納利粟八石，即對保認人林德榮認納量交。其利谷自當經風搨淨，不敢濕行有抵塞，亦不敢少欠。如有少欠母利者，係保認人代賠補足，不敢異言。倘庄中科派諸費係連自理，不干銀利者之事。其銀自壬午年冬至借起，限至癸未年冬至止。限滿之日務于八月半前先送定銀陸大員，交付銀主收入為憑準，餘銀候冬至前備齊字內母利銀送還銀主，利清母足贖回原借字，各不得刁難。此係現銀明借，兩無迫勒反悔。無憑，今欲有憑，立借銀字壹紙，付執為炤。

即日全中親收過借字內佛面銀壹佰陸拾大員正足訖。再炤。

為中人邱家儒

場見併保認人母利併代筆人林德榮

光緒八年壬午 十一月 日立借銀字人林碩連

